

平原縣舊志序

夫郡邑之有志也非徒存故實昭因革所以考得失而懲勸戒也要其體固貴簡潔而病冗雜然事不覈則無以鑒往辭不瞻則無以俟後必讀之使人躍然如生長其地諳歷其狀與河山之感抒厝注之猷斯志之善者也吾邑東省壯鉅入我國家雖列畿外隱然同左輔焉顧舊乘叢蕪漫漶時異勢殊並殘闕者失之俾產茲者貽文獻之羞澁茲者切杞宋之歎非所以重土風而助吏理也賢令劉侯銳意蒐輯以長垣令高君所爲志屬予序之高君宏才博學歷稽羣籍蓋本先達抑齋翁所著而潤色損益之其事覈其辭瞻良哉志可謂心苦而功倍者矣予嘗驗天下事物即微細者亦有定數不能強也吾邑昉於爽鳩之墟幾與海岱相終始乃往牒已無所稽而聖朝統一兩夏聲教先被齊魯嫻於文學又其天性迺寥寥迄今也匪抑齋翁淵之高君繼之劉侯維持而從臾之將遺所不知何人母亦有數也耶斯其澤富世世畏壘哉予不佞生於斯地既不能譌記爲桑梓重而待罪垣鎮又無以宣上德意樹嘉績於鄰壤惟兢兢以古之淳挽今之漓庶幾聖天子節儉實惠不致壅閼則夙夜耿耿者也吾邑昔稱樸質今漸淪矣讀斯志者思至魯至道之訓不徒曰備掌故而巳斯作者盛心哉萬歷庚寅秋七月賜進士出身中憲大夫奉敕巡撫保定等府提督紫荆等關都察院右僉都御史前大理寺少卿京畿道監察御史邑人

平原縣志

舊序

一 平原大興印刷局印

宋仕撰

述志

惟先王制國畫地分邑或沿或革推世道之次志建置建置必經邦土畫封畛疆域奠而勢守分矣疆域定於川澤扶輿孕靈物饒風嫺民生蕃滋故列物產述風俗紀民賦焉測土度宜辨方興利而後民咸又能父民而後能享神故次之以祠祀神人諧而上下和然後民心孚治而禮義可措故次之以學校三者皆擾民而治之之具也事有參差不可以類存之足備搜考雜志不敢不志也吾原素稱文獻而人文與時宣昭學術事功風標節誼揚其令芳各以類著人物不敢不詳也教養典於官師列其名而賢否之迹

平原縣志

舊序

一 平原大興印刷局印

後序

平原爲郡在昔一大都會與青州河朔懸衡等勝而至我朝寢廢寢降爲邑今所名爲陵縣是已乃我邑賈故郡四封地歷世而往獨得仍舊號不湮滅更置云葭爾之士往僅獲列於附庸而今衣冠風政田園物產至比故郡聲光不翅雄瑋則余不勝滄海桑田之感矣邑有志故廢再啓於張大中丞隨成於高明府而宋大中丞且不悵褒然爲序珠玉冠前三先生者所謂粉榆之祭酒文苑

之宗工也其於茲書如老宮監談天寶年間事言中覈當實不虛以寄慨於杞宋之無徵功德金石與並矣咫尺之編識大舉細彰往古而揭來今其書類史隸厥幅員而非野其義比乘副載名山而非家無論於龍門蘭臺何若而以絮於當實不虛之指則有賢者莫爲加懸金不能讚矣余生關微駢譎不文幸分百里而叨一日士疇之上士遵禮訓而疇不竄媮區區不佞猥有所藉以稱官聯而無虞於獲上則平原也者其他入槐安之境矣乎屬在殺青以職事未宜三謝聊爲紀之卷尾如此任郵任德乎余不敢知矣時萬歷十有八年歲在庚寅秋八月吉文林郎知平原縣事孤竹劉思誠謹識

平原縣志

舊序

三

平原大興印刷局印

修志姓氏

邑人御史張蕙

進士知縣高知止纂集

都御史宋仕

參政趙燁

御史霍從教

舉人張尊周訂正

署教諭王學夔

訓導王可嘉 任翀

廩庠胡來琛

孫應試 趙炳 張桂校閱

知縣劉思誠

縣丞施素貴

主簿李蕃

典史陳萬善刊行

重修平原縣志序

縣之有志也上因乎天下因乎地中因乎人而後之人復因乎前以爲伐柯之則雖時勢損益稍有不同要之時物之阜耗政教之得失民風士習之淳薄升降率因是考鏡以興滯而補弊焉昔程子以修志爲居官第一義後之居官者以程子爲師敢不奉以兢兢乎哉平原縣志爲前明萬歷十八年庚寅劉侯定宇所刊蓋邑人高長垣因抑齋中丞本而增損潤色之越今百六十載其間官茲土生茲土蜚聲揆藻於茲土者一切泯而無徵且以我

平原縣志

序

一

平原大興印刷局印

莫爲繼卽不禁慨然長歎有志續貂比家君來署晨昏提命復唯是爲諄諄此徵啓所爲作也顧築室道謀難與虛始而余亦鹿鹿簿領無暇以爲今春

聖天子繩武東巡來往皆經茲邑採風問俗曾無以備太史之陳心竊恐焉滋懼所幸

過化之餘訟庭頗暇又

恩免正賦無事催科苟不及時修舉則歲月逾邁事蹟就湮卽前之靡爛剝缺者亦歸於無何有後此君子其更何所因耶季父望澄先生公車旋軫爰相與遠搜近探討論而裒輯之邑人董子皐陳亦出所見聞用相裨贊凡條目五十有八攜其大綱釐爲十

卷不敢謂踵事增華亦庶以訂譌補漏乎雖然難言之矣舊志一因於張中丞再因於高長垣當時宮保宋公稱其心苦而功倍而劉侯猶不免文獻不足之慨况今者故老之傳聞已遠名山之著述無藏僅因百六十年前之靡爛初缺者撫拾綴緝以學步邯鄲撫心自問能信爲一無譌漏設自今以往更有如程子其人者因加增訂爲茲邑立不朽之功則茲志其嚆矢也夫

乾隆十三年歲在戊辰嘉平月知平原縣事加二級溧陽黃懷祖謹序

平原縣志 序

一一 平原大開印刷局印

重修平原縣志凡例 計二十
四則

一舊志刊於前明劉侯本邑先達張中丞高長垣所著也自萬歷庚寅之秋閱今一百五十九年脫落漫漶幾不可識因循已久訂輯殊難

一舊志自劉侯後二十年四明黃侯嘗卽其版而稍續之迨我朝康熙癸丑奉文重修時當事未遑也邑先達溫守趙公慨然增纂刊版存家今版已烏有僅購得其人物志二十餘頁文獻無徵良可浩歎

一發凡起例史事之權輿也舊志無之似不宜闕今以臆見增於卷首

平原縣志 凡例

一一 平原大開印刷局印

一舊志分野區界城池三圖散附本條而縣治學宮無圖頗乖體要今並補繪列於卷首

一舊志先建置後疆域而山川風俗亦各爲一綱夫疆域因乎天地建置乃因乎人序不可舛今列疆域第一而山川風俗皆以目附邑故無山改山川爲川澤志實也復特增巡幸一條以紀異數

一舊志以城池市鎮郵舍隸疆域以古蹟坊表冢墓入雜志今並析爲建置之目

一舊志以戶口徵稅等爲政治志而別立物產志鹽法闕焉今統爲食貨志更增恩卹一條

一舊志戶口徵稅登載太略若丁徭之優免田賦之荒熟本折起存尤不一及後無從考今悉遵照現定賦役全書確覈而詳書之以昭休養之仁以徵令甲之善

一祠祀學校皆依舊志綱目而以

國朝盛典增入但移學校於祠祀之前

一職官志舊列人物鄉賢之然後官師雖微一邑仰治人才興替有先責焉今竊取省志府志例先志職官非敢目亢正以示激厲爾

一前代職官姓名多佚舊志固自言之今徧爲搜羅共增入八十五人而得諸碑刻者十之七八焉昔人所以重金石之刻

平原縣志

凡例

也於其名下皆註明見某處以示傳信

一舊志所載名宦皆未入祠祀者似於名義未安今改標政蹟而本條別以現祀名宦者實之

一鄉賢乃爲人物即未祀鄉賢而德行政學可稱者亦人物也區區科目何足以當之故改舊人物志爲選舉而別以鄉賢諸目爲人物志

一舊志薦辟按載未備今悉查補唐宋金元科甲無考者則仍踵闕文之舊舊志例貢中已混入例監今改曰例敍載凡有職銜者併採諸碑刻姓名補之若農官爲

國家特典壽官掾職亦義不容混也並以附焉

一鄉賢專載祠祀諸公仍名宦條例也他條彷彿舊志第移孝義於前而以獨行併入改政蹟爲循吏俾不混官師改貞烈爲烈女以並傳賢母若近時節婦多已奉旌表者餘亦採訪真確方敢登載

一寺觀舊繫雜志外之也今仍之第以改列於人物志之後

一舊志災祥雜入兵事今分爲二目並附雜志而別增雜撫一條於末

一史志藝文例載書目茲邑先達著述世遠者既難概見近代者亦恐失傳臚志其目以爲異日徵文之藉

一舊志藝文甚少四明黃侯所續率多八景倡和之詩失於掄

平原縣志

凡例

擇版亦不全今稍從選汰而別採碑記詩文補之

一各條中凡昔有今無者仍依舊志具在但註明興廢概弗刪除即不敢掩前人之成迹且使後來者得以考也

一各條中舊志所採史乘事蹟不無挂漏今詳查二十二史諸書及省志府志增入其考据未審與芟削太過舛錯失次者亦悉查對原文訂正

一史傳例於人姓名下兼載其字非特敬名之義亦爲後人參考地也舊志一概不載將有別見其字而茫然不知爲誰者今於職官選舉各表姓名下悉繫以字無考者仍立有傳則見本傳表不重出

一俗吏見聞弁陋兼苦文獻無徵雖殫力蒐羅其如時違勢左
後之君子正譌補佚企予望之

一志成付梓上費頗艱賴紳士踴躍輸助仍斥廉俸益之始克
竣事謹貯版縣庫庶免散亡留意交盤尙希同志

知平原縣事溧陽黃懷祖謹識

平原縣志

四 二 平原大同印刷局印

平原縣志目錄

卷首 舊序 併修志 姓氏 凡例 目錄 圖考

卷之一 疆域志 凡七 條 沿革 疆里 形勝 川澤

風俗 巡幸

卷之二 建置志 凡十 條 城池 公署 倉局 養濟院普濟堂育嬰堂附 舖舍

汛防 市集 橋梁 古蹟 坊表

冢墓 編澤園附

卷之三 食貨志 凡八 條

平原縣志 卷首 目錄 一 二 平原大同印刷局印

里甲 戶口 田賦 稅課 驛站

鹽法 物產 恩卹

卷之四 學校志 凡六 條

學宮 禮器 樂器 書籍 學田

義學 書院社學鄉約所附

卷之五 祠祀志 凡二 條

壇壝 祠廟

卷之六 職官志 凡四 條

封爵 官師 名宦 政蹟

卷之七 選舉志 凡七 條

薦辟 進士 舉人 貢生 例敘廢官舊官

武科武職 封廕

卷之八 人物志凡七條

鄉賢 孝義 循吏 文學 隱逸

方技 烈女

卷之九 雜志凡四條

災祥 兵事 寺觀 雜撫

卷之十 藝文志凡三條

書目 碑記序賦 詩歌改附

平原縣志 卷首

目錄

二

平原大同印刷局印

平原縣志圖考

古者左圖右史史須繙帙尋行而後得圖則一覽瞭然故星野之分疆里之限川澤之所經城池壇廟署廨倉局郵汎鎮集之所在時殊地異非圖莫顯也舊志分野區界城池三圖散見本條而分野脫北落師門星又不別圖縣治學宮則失之略府志繫平原嶺爵隄於縣境輿圖又失之外今略者補之舛者削之今所有者具其形昔有今無者標其址凡爲圖五彙列簡端俾後有考焉


平原縣志

圖考


一

平原大同印刷局印

天文星野圖



平原縣志



平原縣志卷之一

疆域志

星野

天垂象聖則之故周禮保章氏辨封域分星以觀妖祥占驗雖渺自古不廢矧平原古名郡入危度實有可考者乎略採舊聞以爲觀察修教之助

漢天文志虛危青州 燕齊之疆侯辰星占虛危

漢地理志齊地虛危之分野也西有濟南平原

晉天文志虛危之屬青州也平原入危十一度

隋天文志北斗七星第七主齊

平原縣志

卷之一

疆域

一

平原大開印刷局印

唐天文志須女虛危元枵也初須女五度餘二千三百七十四秒中虛九度終危十二度其分野得漢北海千乘菑川濟南齊郡及平原渤海九河故道之南濱於碣石其象著爲天津絕雲漢之陽 地理志德州爲元枵分

宋天文志造父五星距北星去極三十八度入危宿十一度北落師門一星去極一百二十六度入危宿十一度半

通考自須女八度至危十五度爲元枵於辰在于齊之分野屬青州平原入危十一度主造父星北落師門星

明清類天文分野書自女二度至危十二度屬齊分青州

沿革

疆井盡於黃帝郡縣分自祖龍世代遠而沿革紛人民雖非城郭猶是即城郭有變遷而升降分合之蹟按代可稽也編次依古以來原委燦然表則斷自秦始

平原自上古少昊世爲爽鳩氏之墟帝嚳唐虞爲兗州城虞夏時

爲季荊氏封內地夏又爲高侯國因高津得名及周改屬青州成

封城後爲蒲姑氏左傳作蒲姑按蒲姑故城在今博興縣東南十五里去平原二百餘里及周改屬青州成

王討蒲姑之亂滅之以益太公封地遂爲齊西境下邑戰國時

爲趙所併封公子勝爲平原君食邑於此平原之名始見秦裂天下置平

原縣屬齊郡漢以縣爲平原郡治屬青州東漢改郡爲國仍治

縣魏晉平原縣亦爲平原國治屬冀州宋仍爲郡治時又有兩平原縣一置於郡平

平原縣志 卷之一 疆域

地屬東平原郡北魏因之隋改郡平一分兩縣北魏徙郡治聊城而以縣屬安

德郡前三年省平原入高唐太和二十一年復置屬渤海郡中興元年宋明帝奉

尚爲宋有魏回山名縣入北齊始遷後周因之隋改安德郡爲德州徙平

原郡治之在今陵縣屬兗州以縣隸焉唐改平原郡爲德州中開天寶二年乾主德二

省爲腹裏地明隨州隸濟南府屬山東布政使司

國朝直隸濟南府雍正八年割屬高唐直隸州十二年仍屬濟南

府

又按省志府志舊志並云漢時冀州清河郡所屬繹幕縣繹幕

皆北齊省入平原其故城皆在今縣境內自宜附載沿革繹幕

縣於北魏時改屬安德郡北齊以後遂不復見省於何時無明

文也惟南齊志繹幕縣屬南清河郡建武二年省則係直遙領

名是實非矣繹幕縣在北魏時改屬濟州南清河郡其省入平原

見北齊書隋後置繹幕縣則今之夏津縣是又開皇十六年置繹幕縣大業初廢入安樂時異

境殊弗敢測入

沿革表

總部 郡國府州 縣

秦齊郡 平原縣

漢青州部 平原郡治平 平原縣經緯部非屬冀州清

東漢青州部 平原國治 平原縣經緯部非屬冀州清

平原縣志 卷之一 疆域

魏冀州部 平原國治 平原縣經緯部非屬冀州清

晉冀州部 平原國治 平原縣經緯部非屬冀州清

宋冀州部 平原郡治 平原縣經緯部非屬冀州清

北魏冀州部 安德郡治 平原縣經緯部非屬冀州清

北齊冀州部 安德郡治 平原縣經緯部非屬冀州清

隋兗州部 平原郡 平原縣

唐河北道五代 德州武德四年改郡曰德州大寶元年 平原縣太和二年改隸齊

宋河北東路 德州 平原縣

金山東西路 德州 平原縣

元中書省

統山東西北河北德州自北魏安撫郡至元德

平原縣

明山東布政使司

濟南府德州

平原縣

國朝山東布政使司濟南府

平原縣

舊志云今平原蓋兼古鄒繹幕之地而有之厥次省入陵縣隸

陰省入臨邑曰高曰般皆入德平故前志所載人物今皆不錄

按前志不知作於何時併未詳其姓氏殊爲遺憾又按史記年表諸侯封地有陪有莒有羽有

枋有宜成于章安陽高平鉅合以爲皆在平原曰在則不止於

屬或鄉或邑今皆不可得而攷矣按史記案應劭曰平原未嘗曰在也今商

原部屬國有爲濟南郡屬縣似非謂在平原又今歷城縣東七十里龍山鎮有鉅合故城以此推之似亦非無可考也又按河間獻王子楨封于鉅侯石慶封於鉅侯案應劭曰在平原併識

原併識

平原縣志

卷之一

疆域

四

平原大開印刷局印

疆里

體國經野度地居民正區界而辦方隅用杜爭桑之釁可曰域

民不以封疆之界而忽之乎邑介衝途縱長衡隘東西廣五十

五里南北袤八十里其大都也四至八到眉列其詳

東至禹城縣界四十里又三十里至其縣治

西至東昌府恩縣界十五里又十里至其縣治

南至東昌府高唐州界五十里又四十里至其州

北至陵縣界二十里又二十里至其縣治

東南至禹城縣界四十里

東北至臨邑縣界五十里又四十里至其縣治

西南至東昌府夏津縣界六十里又三十里至其縣治

西北至德州界四十里又四十里至其州治

由縣東南至省城濟南府一百八十里

由縣治西北至京師七百八十里

形勝

保障恃乎金湯形勝因乎天地爾雅云廣平曰原水經注云原

博平也故曰平原顧名思義雖乏名山而襟帶河流潞靈衍秀

昔置郡國於此以控扼齊趙之交良有以也

地勢砥平趙邑齊封錯壤河流帶曲高津馬頰交際見前

地勢砥平原隴基列西襟馬頰北枕鉤盤見前

平原縣志

卷之一

疆域

五

平原大開印刷局印

自岱劈脈勢就砥平雖無山可紀而古陸旋峙大河環繞其形勝

有足觀者見前

舊志云耆類聚山之屬有平原嶺又漢書平原有望遠臺一名

平原嶺可望百餘里或以馬頰河東有土隄甚高卽嶺也今未

審所在按齊乘云平原嶺在德州東南七十里其上有鹿角關

當時德州乃今之陵縣一統志載鹿角關在今臨邑縣北十五

里唐置臨邑縣志云則平原嶺固不在本邑境內非可徒耳食其名

也又舊志本魏志孫禮傳載平原有爵隄今按高唐州志在州

西十里亦不在本邑境附志平原隄圖於東境楊柳寺之西給一阜題曰平原嶺又給爵隄於南門外三義廟西並誤

川澤

平原昔稱澤國不能得水之利惟求避水之害自河道屢徙而南加以永濟會開漕隄成而故流塞今無憂漕決矣馬頰溝溝修濬如舊新開高津以來夏秋漲潦益有所洩但障水莫要於固隄而護堤莫先於植樹若夫下流深暢則非原所得主也

黃河故道今謂之老黃河

舊志

水經云大河故道自靈縣東逕鄆

縣故城東又東逕平原縣故城西而北絕屯氏三瀆北逕釋菴

縣故城東北西流逕高縣故城西又東北逕平原縣此周定王

五年至西漢末黃河故道也

漢初韓彭梁王原變齊下東今不可考川漕與間考云黃河故道本在平原以北其經平原以南自漢建武中始而平以後

常爲河之經流矣

又云河水過高唐縣故城西又北逕張公城隄

側河湄又北逕平原縣故城東又云河水自平原左逕安德城

平原縣志

卷之一

疆域

六

平原大開印刷局印

東而北爲鹿角津此東漢以後黃河故道也唐及五代黃河東

逕平原縣南五十里宋慶歷八年商胡決後河逕恩縣南又東

北與平原縣分水又東北絕王莽河逕陵縣

今之德州

南又東北合

篤馬河省志云黃河故道行至恩縣苦水舖東北逕平原縣境

之石墳村至趙家莊轉入德州界在平原縣東北六十里

漢書溝洫志武帝元光三年河決瓠子東南注鉅野上使汲黯

鄒當時興人徒塞之輒壞時武安侯山魈爲丞相其奉邑食鄒

鄒居河北河決而南則鄒無水災邑收入多魈言於上曰江河

之決皆天事未易以人力強塞遂久不復塞歲數不登元封二

年卒塞之導河北行復禹舊迹成帝建始中河決館陶及東郡

金隄汎濫兗豫入平原千乘濟南凡灌四郡三十二縣水居地

十五萬餘頃深者三丈壞敗官亭室廬四萬所命河隄使者王

延世作隄塞之改元河平後二歲河復決平原流入濟南千乘

所壞敗者半建始時復遣王延世與將作大匠許商等作治六

月乃成鴻嘉四年渤海清河信都河水溢溢灌縣邑三十一河

隄都尉許商與丞相史孫禁共行視圖方略禁言今河溢之害

數倍於前決平原時可決平原金隄間開通大河令入故篤馬

河

章昭注在平原

至海五百餘里水道凌利商以爲古九河之名有徒

駭胡蘇扁津今見在成平東光高界中

師古注徒駭在成平胡蘇在東光俱屬渤海高津在平原

高以北至徒駭相去二百餘里今河雖數移徙不離此城孫

平原縣志

卷之一

疆域

七

平原大開印刷局印

禁所欲開者在九河南篤馬河失水之迹處勢平夷旱則淤絕

水則爲敗不可許公卿皆從商言王莽時長水校尉關竝言河

決常於平原東郡左右其地形下而土疏惡聞禹治河時本空

此地秦漢以來河決其南北不過百八十里可空此地勿以爲

官亭民室未施行至莽始建國三年河東徙由千乘入海而北

潰遂空

馬頰河

唐時黃河故道因導水入爲馬頰故亦有馬頰之稱非馬頰也

在縣境西南自博平縣運河東岸滾

水壩分洩連河漲溢之水東北逕清平高唐夏津恩縣

南岸保平縣界

又東逕津期橋折而北至王家莊入本縣界又東北逕劉龍橋

一名董

董路口至曲陸店迤北入德州界行至德平縣東北逕義

渡橋與篤馬河會又東逕樂陵縣又東北逕直隸慶雲縣又東

北逕直隸慶雲縣又東復入山東海豐縣至月河口俗名大枯河口入於

海計行本境內長二十五里而寬三四丈竝數十丈不等深

一丈餘尺隄高一丈五六尺至二丈不等於乾隆九年知縣黃

懷祖奉文挑濬現在一律深通完固舊志云馬頰河即九河之一源發於濟元利志與地記而謂之然蔡氏已斥其謬矣按嶺雅九河之水由北而南而馬頰河九河故在平原界中若馬頰第三通典云在趙郡長河考云在滄州廢清池縣東南不宜南在平原而強以篤馬河當之也

舊高津河舊志云九河之一按通典自安德流至平原界今埭明

一統志亦云高津枯河自齊河縣經禹城平原西來北行經德

州德平樂陵慶雲至海豐縣大枯河入海今遺跡多不可尋

平原縣志 卷之一 八

新高津河

國朝康熙末年知縣周之翰奉文即平地開掘夏秋漲潦藉以宜洩為益良多雍正中

知縣鄒訓又奉文開拓深廣即新河而被以舊名省志誤九河之一四字自

本縣西南張官店大興莊滙水北流逕董家林嶺坊繞城西北

門又東北逕鄒家屯至譚家莊入德州界又東入陵縣界至東

北三官廟與篤馬河會又至德平縣義渡橋與馬頰河會計行

本境內長四十九里河身寬二丈五尺至八丈不等深五六尺

不等並無淤塞

篤馬河亦名馬篤河俗名鴻溝河濟地理志平原縣有篤馬河東北入海五百六十里水經注屯氏別河南流自平原城北首受枯河土人謂之馬河疑即古之篤馬河故道也自本縣南石家大窪滙流東北

逕何家窪松林王家橋至鳴雞店即明吉店北有趙王河水入之又

西北逕呂家莊至麻家莊岔河口入陵縣界與新高津河會又

東北入德平縣界東至張習家橋入馬頰河計行本境內長六

十二里河身寬二丈至十餘丈不等深五六尺不等係民間捐

挑竝無淤塞

鴻溝河舊志云縣東十里按此即篤馬河上源故今俗猶呼篤馬

為鴻溝河

趙王河舊志自高唐州小巷莊滙流入本縣界東北逕趙家莊新

章店黃家坊楊柳寺范寧屯至廬家莊東南入篤馬河計行本

境內長八十二里寬二丈深五尺係民間捐挑竝無淤塞

平原縣志 卷之一 九

蒲河舊志云在縣南二十里今按自西南郝家堂起東北至鍋培

口入馬頰河止計長二十餘里寬二三丈不等深三四尺不等

現在一律深通蓋即馬頰之支河以洩境內坡水者按一統志載中

王翁河按魏志廢帝正始中平原清河爭界八年不決司馬宣

王以屬冀州牧孫禮禮以烈祖初封平原時圖案之宜屬平原

而曹爽信清河言不用禮上疏曰界實以王翁河為限而鄒以

馬丹嶺為險詐以鳴犢河為界假虛訟訴疑誤臺閣平原在兩

河向東上其間有爵隄隄在高唐西南所爭地在高唐西北相

去二十餘里可為歎息流涕爽見奏大怒劾禮舊志据此載王

按水經云屯氏別河北故渾東逕繹菰縣故城南

北東北枝津又出東北至安德縣界東會商河又云屯民別河

南濱又東北於平原縣界又有枝渠右出至安德縣遂經自障

疏爲永濟渠自今衛河故道遂不可考

衛河

故道遂不可考

古商河舊志按水經云商河又北逕平原縣東一統志商河在

禹城縣東流逕商河德州德平原界今不可考

金河舊志據金史地理志平原縣有金河今不可考

平原縣志

卷之一

十

一、

平原舊志云在縣南六十里史記秦始皇三十七年出游鉅滌

西至平原津而病正義曰今德州平原縣南六十里有張公故

城東有水津焉後名張公渡恐此平原郡古津也

舊志云按寘字記鉤盤河在樂陵東南從德州平原所流至陵陽縣北平原縣舊志得毋爲注引寘字記云鉤盤河在樂陵東南從德州平原縣北平原縣舊志得毋爲三系所誤耶蓋九河之次八曰鉤盤九曰禹澤禹澤最南漢志云在禹縣亦今德州之境其自平原北流入焉故籍猶有何謂者鉤盤則在西北不應亦由平原矣問考古史將陵縣有鉤盤河將陵今德州故城在今陵縣北五十里不顯明其故省志及德州志平原縣志亦誤也其云覆諸河在平原縣東北陵縣有豐樂陵諸志鉤盤河下俱不言由平原宜刪又按今一統志云鉤盤河在平原縣北流逕陵縣入武定海豐界尤不知向據

風俗

班史以風繫水土而俗隨君上要之化民成俗恃上有以風之耳我

百年雅化所以風厲者至矣因民俗而利導之去太去甚庶幾昔人所云順流而與之更始乎原俗今昔稍殊故所志亦新舊相錯

晉聞平原蓋有古之遺風焉前輩大都崇孝悌尚廉恥畏刑辟習儉素鄉之長老多厚重謹愿讀書敦本實其仕進率砥礪名節農工商賈勤力敦篤不敢犯非分其婦人慎內閑而修女事無論貧富於古蓋庶幾焉一統志云習尚敦厚民皆務本省志云人多忠勇家業農桑風俗淳厚誠慤無黨正此謂也乃今特立懷古之士則尙不忘其初凡民散佚其可慨者多矣非夫薦紳之彥飭躬範俗與夫長民社者表率而匡隸之將奚賴哉舊志

平原縣志

卷之一

十一

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

正旦男女夙興家主設酒果禮奠名曰接神五鼓啓戶放爆竹焚

香拜天次設其先主率卑幼拜之然後男女序拜其尊長男三

盛服出詣戚黨門行禮和賀

內必詣墓拜

立春先一日區官巡迎

春東郊園里集通衢游觀元宵官弛禁縱民偕樂街市懸燈放

花炮簫鼓歌謳之聲喧闐徹夜竟三夕乃已祀前四鄉各酬錢

演戲以祈年清明男女具時羞擗幕少長行游郊外曰踏青

月八日僧家浴佛愚民施財端午以角黍朴饌還家設拜觴燕

艾虎其日多禁忌採藥者率以午時七月望設瓜果藥麻社先

亦多祭墓者中秋夕設具團飲曰圓月重九實菜以鮓酒和鮓

十月朔祭墓焚寒衣冬至祀先祖常節少隆忙不杓拜賀臘八

食粥廿三日暮祭竈神歲除前數日以盤糕和餽問曰餽歲除夕貼春聯放爆竹圍門羣坐惟飲曰守歲夫觀歲時之沿習民風可概而知也禮雖濶雜間有得古先之遺意者因其故修其教期變易而不失其宜而已

鄉俗冠禮久廢不講今亦不載令甲婚禮今惟嫁女適他邑乃論聘財同邑問名但託媒傳帖將娶始送盤盒不過米肉果粉而遺女衿飾仍以華靡相高屆期男必親迎合卺廟見拜舅姑率如禮女家送飯三日婿婦詣外家謝親俗名回門外家或有鞍馬之贈喪禮被髮徒跣既歛成服掛紙受弔而初喪親族男女羣陪赴廟自董總憲訥爲戒約士大夫家婦女始無赴廟者具

平原縣志

卷之一

風俗

十一

平原大開印刷局印

酒肴待賓客務豐腴喪中多用浮屠今士大夫家不復用亦由張中翰提倡之營葬儀節略如家禮芻蕘明器稱家有無顧惑堪輿家言或淹親柩以希貴富今惑者頗少其淹柩不葬率以力詛舉襄弗能爲觀美耳若葬必路祭則近日之古風也舊俗婦女亦弔哭送喪不問親疎男女混雜董參議思凝約禁乃止時祭用饗禮無定品多祭於廐或於墓雖士大夫家亦鮮有祠堂者親朋常燕往往羅珍羞列聲樂以豐侈爲歛厚無復儉素風好爭訟一言不合輒揮拳大詬赴縣喊冤素些竄偷生少蓄積故逋逃頗易地鮮樹桑久無蠶事而紡棉織布或織線毯線帶近時士大夫家閨閣亦然民間則男子亦共爲之此其勤作可喜

者也

巡幸

王者所過則化今古每望幸焉邑當衝途爲時邁必經之地願自東漢肅宗而後罕見紀載往蹟失傳我

聖祖仁皇帝翠華屢潑潑澤頻敷歌咏到今猶若親逢其盛今春皇上事繩

祖武肇舉時巡官紳士庶既幸清蹕躬逢尤樂湛恩加被懽呼載道

盛典彌光謹輯之以垂不朽

漢章帝元和三年二月北巡告常山魏郡清河平原郡守相曰朕

平原縣志

卷之一

風俗

十三

平原大開印刷局印

惟巡狩之制以宣聲教考同遐邇解釋怨結也今將禮常山遂徂北土歷魏郡經平原升踐隄防詢訪耆老月令孟春善相邱陵土地所宜今肥田尙多未墾其悉以賦貧民給與糧種務盡地力勿令游手所過縣已聽牛入今年田租以勸農夫之勞

後見

康熙二十三年甲子秋九月

聖祖仁皇帝東巡十九日奉

恩詔凡經過地方康熙二十四年應徵丁銀盡行蠲免官吏兵民人等有犯除十惡等罪不赦外其餘自康熙二十三年九月二十四日昧爽以前死罪軍罪以下已發覺未發覺已結正未結

正威赦除之二十八日

駕發京師鴻臚寺官先期傳知百里以內地方官率本地鄉紳士民於十里之外候

駕至跪迎送如常儀十月初六日由陸路過平原

御製詩一首冬晴柳葉未落涼盡潭初清龍鑣千騎萬騎鴈隊

一聲兩聲

幸東關生員杜永祥宅進膳畢永祥率四子

俱諸生

叩奏履歷

上獎曰福壽雙全

後永祥壽九十有四

賜炙肉酥餅各四盤吏

問有生員否隨傳廩生張琦至

平原縣志

卷之一

疆域

十四

平原大興印刷局印

命講中庸于懷明德一節

上曰中庸一書總是以人合天之學講得好

賜茶餅而行是夜

駐蹕東三里莊大路旁十一月復由平原西路

回鑾二十三日

幸守備王化新宅

召見化新

賜果一桌

命其子武舉國楫射箭一回

康熙二十八年己巳

聖祖仁皇帝南巡由陸路欽奉

上諭朕閱視河工巡省地方恐有司煩勞百姓著行令該督撫嚴飭地方官所過道塗停止修治欽此正月十三日

駕過平原

駐蹕曲陸店南張家地次日

駕發至七里鋪特頒

諭旨朕軫恤民隱載舉時巡懋宣德化勤求疾苦比至山東所經城邑百姓扶老攜幼夾道懽迎朕問及連歲順成民生少得安業第思百姓足則國家充裕若期比戶豐盈必以蠲租減賦除其雜派為先邇年以來各省地丁錢糧已經節次豁免山東地丁正賦

平原縣志

卷之一

疆域

十五

平原大興印刷局印

意欲來歲蠲除茲因巡幸至此先諭該撫速行曉示日傳三百里還村僻壤咸使聞知以副朕省耕問俗之意特諭

康熙四十一年壬午冬十月

聖祖仁皇帝以河工告成南行巡視由陸路經平原十二日

駕幸故左都御史董訥南樓

特書眷念舊勞四大字

命其子吏部文選司郎中董思凝懸之墓門是時

世宗憲皇帝以親王隨行亦

幸董訥即園之清遠堂

在南樓之南

次年正月十六日奉

諭旨朕甲子己巳兩次南巡路經東省見民生豐裕士庶共慶近

來准黃告成朕不辭遠涉從輕行待旦而興夜分乃寐再經齊魯存問民生休戚似不及甲子已已朕深憐恤痛癢之在抱也若間閭積蓄有餘即遇有水旱亦不致困苦今特加恩蠲恤用弘愛養朕所經過地方德州平原齊河歷城長清恩縣夏津武城館陶臨清清平博平堂邑聊城東阿陽穀壽張慶豐二十州縣康熙四十一年未完地丁錢糧著通行蠲免欽此

康熙四十四年乙酉

聖祖仁皇帝南巡閏四月

回鑾二十日奉

諭旨山東所屬地方人犯亦照江南浙閩恩例概從末減自康熙四十四年閏四月二十日以前凡罪犯詔款不應赦者不赦外其餘死罪以下已發覺未發覺俱著減等發落四十三年秋季奉旨監候緩決者一併減等發落欽此

按是歲有巡往來俱由水道不經縣境而肆赦之恩邑亦與焉故謹記之

乾隆十三年戊辰春二月

皇上東巡由陸路初四日

駕發京師十三日奉

上諭朕巡幸直隸山東所有承辦差務各官宜一體加恩著督撫查明經過地方之辦差文武員弁凡有叅處罰俸降級等案俱准予開復其無此等參罰案件者咨部各加一級欽此

臣懷祖等謹
恩開復

十

七日

事口

御路旁跪接

駕幸馬家莊尖營臣懷祖等隨送

駕至高唐州行營前叩首而返十九日奉

上諭山東上年被災州縣頗多雖屢加恩賑濟期災民不致失所今清蹕巡歷梁用惻然損上益下厥有明訓以休以助是謂常經其再加恩將經過被災州縣無論極貧次貧於現賑外普行加賑一月平原其不經過處所被災七分以上者極貧之民亦加賑一月以示優恤該部即遵諭行欽此二十一日奉

平原縣志

卷之一

福城

十七

平原大興印刷局印

上諭朕巡幸山左駕幸畿南雖安營除道絲毫不以累民而閭閻望幸宜溥恩施著將直隸山東經過州縣本年錢糧蠲免十分之三山東值輪免錢糧之年所蠲本年錢糧例於明歲免徵但念東省災黎待澤較殷著於藩庫地丁銀內照蠲免之數先行動項賞給明年徵輸歸款其作何分別遠近一仿直隸辦理該督撫各董率地方官員作速查明蠲賞務俾小民均沾實惠欽此二十六日奉

上諭國家崇儒重道尊禮

先師朕躬詣闕里釋奠廟堂式觀車服禮器用慰仰止之思念魯國諸生素傳禮教應加恩優序廣厲人材山東通省入學額數著